



Tebello Nyokong, Rasaense ya phekolang kankere

Nomsa Angelina De Wee

Simon Mokoena



Buka ena ke ka ditaba tsa Tebello Nyokong.
Ke Rasaense ya MoAfrika Borwa e bohlokwa.



Tebello o hodisitswe ke nkgono le ntate moholo wa hae Lesotho. Nkgono le ntate moholo wa hae ba ile ba mohodisa hantle.

Letsatsi le leng o ne a eya naheng ho ya hlokomela dinku, letsatsi le latelang a eya sekolong. O ne a kena sekolo ka tsela yeo.



Ha Tebello a ne a hlokometse dinku, a bona hore ho na le diphoofolo tse ding le dimela.

Tebello o ne a hlile a rata ho sheba dintho ka hloko. O ne a tsotella dintho tse mopotapotileng.

Tebello o ile a holela mahaeng, sena se morutile ka tsa tlhao.




Tebello o ne a rata ho ithuta Saense sekolong.

Ba mbolella hore a se leke hohang. Ba re Saense e thata hape ke thuto ya bashanyana eseng banana.

Pele o qadile a ba mamela. Metswalle ya hae sekolong e ne e etsa tsa Bonono le Botjhaba.

O ne a batla ho etsa thuto e fapaneng.



Tebello o ratile ho ithutela Saense. O ne a tseba hore Saense e ke se e mohlole.

Tebello o ile a kopa ho ithutela Saense, qetellong ba modumella hore a e etse.

A qala ho ithuta Saense dilemo tse pedi pele a qeta sekolo!



Tebello a sebetsa ka thata, ho fumana bana ba bang
bao esaleng ba ithutela Saense.

Bohlale le ho rata ho bala dibuka, ho ile hwa mothusa
hore a kene university tse ngata.

Tebello o kene university tse ngata.

A ithuta dintho tsohle dilemong tse pedi empa a pasa!



Tebello o ne a rata *Chemistry* haholo. *Chemistry* ke karolo engwe ya Saense.

O ne a tseba hore o batla hoya University hoya ithuta *Chemistry*.

A hla a bala dibuka tsa hae.



Tebello aya University ya Lesotho. O ile University kamora ho pasa hantle sekolong.

E ne e le moithutwana ya bohlale a bile a sebetsa ka thata haholo. O ne a qeta nako e ngata ya hae ka laboratoring ya Saense.

O ile a atleha hofumana *scholarship* sa hoy'a ithuta Canada.



Tebello o ne a rata ho ithuta ka Saense, empa o ne a kgenne ha a ne a siya ba lelapa le metswalle ya hae Afrika.

O ile a siya naha ya habo hobane o ne a batla hoba setsebi se seholo sa Saense.



Tebello a kopana le metswalle e metjha Canada. Ba ne ba bua puo e fapaneng, empa Sekgowa sa ba thusa ho buisana. Canada teng, lehlwa le lengata dibakeng tsa bodulo jwalo ka dithabeng tsa Lesotho.

Ha lelwa le leteng dithabeng tsa Lesotho, batho ba apara dikobo. Haele Canada batho ba apara dijase. Tebello a fumana sekolashipi sa ho ithutela Saense.



Ho ile hwa latela University ya Amerika.

Kamora dilemo lemo tsa ho ithuta, Tebello a kgutlela hae Afrika Borwa. O ne a batla ho fana ka tsebo ya hae ho batho ba habo.

Tebello o ne a dumela hore ha ho letho le ka mohlolang.



Kajeno, Tebello ke Moporofesa wa Saense. O ruta Universithing, hape o na le laboratori ya hae ya Saense.

Moporofesa Nyokong o e ntse dipatlisiso tse ntjha tsa ho thusa batho ka lefu le lebe la kankere. O thusa le ba ithutelang Saense.

Moporofesa Nyokong, o thusa batho haholoholo batho ba Afrika.



Mosebetsi wa hae o e ketsa tsebo ya Saense, ho thuseng batho ho hlola mafu ana a kotsi.

Bophelo ba hae bo bontsha bohlokwa ba ho dumela ho wena le ho se lahle tshepo.

Moporofesa Tebello Nyokong o thusa MaAfrika.

—Dipotso

1. Fana ka mabitso a dinaha tse tharo tseo Tebello a neng a ithuta ho tsona. Difumane mmapeng wa lefatshe.
2. Jwalo ka ngwana, naa Tebello o ne a e la hloko dintho tse mopotapotileng? O tseba jwang?
3. Hobaneng ba ne ba re Tebello a se ithutele Saense? O dumellana le bona?
4. 'Ho itshepa' ho boleleng?
5. Fuputsa mafu a mang a mahlano a sotlang batho ntle le kankere.
6. Na o se o kile wa nyahamiswa ho etsa dintho tse ding tse itseng?
7. Ha o sa etse mosebetsi wa hao wa sekolo, ke mesebetsi e fe eo o thusang ka yona lapeng leno?

—Lenane la dibuka tse letotong lena

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Pale ena e hlahisitswe yaba ya ngolwa ka
Sesotho ele karolo ya ho bala ya Zenex Ulwazi
Lewethu project ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Tebello Nyokong, Rasaense ya phekolang kankere

Author/s: Nomsa Angelina De Wee

Illustrator/s: Simon Mokoena

Assurer/s: Refilwe Ramogosi, Mathapelo Morake

Language: Sesotho (South Africa)



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

